

瑶華閣集

同治戊辰三月

芋士沈氏藏書



同治六年鑄

瑤華閣詞鈔

瑤華閣詞補遺

踏莎行

四時曲寄汪靜宜表姊

春

香夢慵醒綠雲倦  
綰綺窗睡起晴光滿  
垂楊才染幾分黃  
搓絲無力東風軟  
梁燕雙飛林鶯乍  
嚙鰕鬚半捲  
閒庭院畫屏倚處  
暗思量去年此日  
初相見

夏

曲曲溪廊聲聲簷溜  
風荷香沁紅衣皺  
桃笙如水縠紋  
平燭奴刻徧燈疑豆  
遠夢驚迴添人倦  
倦蕭蕭颯颯  
攪清漏尋常已是不堪聞  
如何更值黃昏候

秋

霜老空林霞燒遠岫  
井梧搖落西風驟  
東籬黃菊又堆金  
當筵誰勸茱萸酒  
心較雲閒人如花瘦  
六銖衣薄涼初透  
小樓容易入深宵  
薰爐倚爇香凝袖

冬



落葉沈雲巖飈捲竹衝寒漫繞闌干曲瓊瑤踏碎認梅  
花枝南笑綻胭脂萼香裊金猊盃浮紅玉花前按譜  
新聲續雙雙凍雀繞枝啼萬山欲暝寒烟綠

意難忘

春日感舊

小院春深暫苔陰門草樹底調笙柳烟迷燕夢香雪鎖  
花城閒伫立夕陽沈又暝色黃昏憶舊遊蘭姨別後偏  
繫離心當時共坐更深記紅窗病酒慵倚銀屏留香  
薰寶鴨送月度簾旌春去也怕聞鶯怎知有而今懶重  
理斷牋零句誰是知音

月底修簫譜

東蘭似表姝

篆烟微入語靜寂寞畫闌凭鄰院簫聲惆悵共誰聽當  
時月底嬉遊迷藏閒捉記踏碎滿階花影盼芳訊別  
後雙鯉迢迢莫是阻潮汛舊事淒涼腸斷怕人問八年  
形影相依一朝分手歎他日香盟誰証

臨江仙

記得曉粧臨寶鏡萬梅花繞紅樓髻雲同縮兩鬢秋賣  
花聲過了猶未捲簾鈎鵲鼎香温烟乍顛微風細揭  
羅幃鸞箋拂罷揀詩籌吟成先脫稿贏得玉搔頭

前調

記得綺窗初罷綉無聊同步迴廊簾纖梅雨過銀塘露  
荷香沁骨風遞一絲涼樂玉舟深斟琥珀柳陰陰處  
傳觴采蓮呼婢泛輕艫紅衣愁觸損欲折更商量

三

前調

記得秋期逢七夕綠陰猶雪殘蟬鍼樓瓜果正當筵一  
痕雲際月剛是近初弦乞得星娥今夕巧絲絲穿賭  
誰先桐梢一抹鎖蒼烟露華涼似水誰畫此時天

前調

記得長宵織影並虬壺聽徹更闌犀簾不辟小庭寒抽  
簪閒撥火蕲揀鷓鴣斑報道玉梅花綻了數來二九  
將殘更看飛雪曉漫漫似聞瓊姐說真箇玉爲山

一叢花

寄懷瓊芝表姊

曉粧纔罷倚雕闌  
花上露初乾  
湘簾半捲  
荷風細綠楊  
外三兩唵蟬  
曾記舊時雙  
湖亭畔  
同理釣魚竿  
玉簫聲裏恨漫漫  
紅淚背人彈  
丁甯莫更歌金縷  
空贏得愁上眉彎  
十二畫樓凭高目  
斷知隔幾重山

菩薩蠻

春日偶成

四

海棠枝上鶯聲軟  
輕衫乍試春寒淺  
風撼護花鈴  
驚他蝶夢醒  
晝長深院靜  
彈指清明近  
芳徑燕泥香  
新愁上綠楊

赤棗子

秋日西樓晚眺

風力峭雁聲寒  
象管鸞箋鎮日閒  
獨倚危樓凝望處  
淡烟疎雨暗遙山

蝶戀花

重到舊時游冶處花底無人花外流鶯語翠幌低垂深  
院宇落紅幾片隨風舞 依舊雕闌橫玉礎一角斜陽  
漸下西窗去惹起新愁紛似絮和雲直到天涯住

點絳脣

久不得嘉定諸姊妹信詞以訊之

盼斷雙魚不知尺素從何寄水雲迢遞難得相思字

十二紅闌寂寞和誰倚當年事而今猶記只是愁難洗

五

鬢雲鬆令

譜瑤笙凭綺牖誰捲湘簾微露纖纖手又是井梧搖落  
後霜葉紅肥秋老黃花瘦 綉慵時唵倦候薄醉旋消

羅袂輕寒透漫說離情濃似酒爲問西風吹冷盟鷗否

南柯子

風裏荷香細庭前露氣清銀蟾朗徹透疎櫺笑指粉墻  
角上倍分明 人影當窗見鶯聲隔院聞常儀嬌小太  
慙生閒約雛鬢月下撲流螢

採桑子

閨中秋卽事

百年難得中秋閨月又團圓人又團圓一碧長空轉玉盤  
重逢二八嬋娟面倦倚雕欄醉倚雕欄金粟香中  
笑語歡  
秋光皎潔逾前度花影屏山竹影屏山香露沾衣不覺  
寒 瓊樓玉宇知何處坐到更闌話到更闌如此良宵  
再遇難

銷窗寒

銷寒第三集

寒蟹

歲晚村荒日斜潮落凍開湖嘴蘆根吐沫又聽爬沙聲  
細愛雙螯霜濃更肥橫行那識漁人計任筠筐罩住寒  
蒲縛好賣來城市 還憶餠花底記解甲吹香酒邊親  
遞秋光過了又被釀成秋意便無腸離情未諳稻梁也  
合思故里負頻年獨數尖團盼到看燈裏

鷓鴣天

三載京華誤守株，馮煖伏以舊食無魚貂裘已敝黃金盡。  
風雪迎人返故廬，纔忘影又飢驅歸遲別速怨征車。  
欲將眠食殷勤囑，生恐啼痕染客裾。

菩薩蠻

翠禽啼破相思夢，紅蕤一角鮫珠凍。好夢耐尋思，生憐  
入夢時。梨雲容易散，不管柔腸斷。強起試粧遲，眉愁  
怕鏡知。

水龍吟

題聯司馬璧夫人遺照

蘭因絮果茫茫，丹青留得曇花影。低鬟凝睇，弄珠無語，  
內家粧靨。見說當時天孫下，嫁璇宮春永。羨比肩靈匹，  
畫眉佳偶，期白首雙棲穩。惆悵綵雲易散，証香盟神  
傷苟令。天人標格，春游曾見。夫人遊隨園曾仰丰采披圖重認，  
鳳分飛鏡，鸞孤舞。情天難問，料紅樓碧落，雲魂月夢，盼

青禽信

蝶戀花

題蛟蝶圖

鳳子低飛芳草徑一碧陰陰軟襯苔痕潤露浥風翻香  
夢冷六朝餘韻沾金粉點筆吟窗添畫景綠慙紅倻  
花事成銷凝不管春醒慵未醒向人舞倦翩翻影

步蟾宮

秋夜不寐有懷黛華姊

珠簾繡闥人聲悄任落葉滿階慵掃西風颭颭雨蕭蕭  
更添起離愁多少屏山倚徧閑情繞問誰識此時懷

八

抱夢中剛是話分携却又被花冠催覺

金縷曲

送外

垂老何堪別况迢迢閩南翼北山川重疊十萬腰纏同  
轉餉又值炎威酷烈早夢繞玉京瑤闕輪與閒鷗毚浪  
穩歎勞生銷盡輪蹄鐵漫青鏡添華髮催歸莫負鵲  
啼切更誰憐傷貧念遠寸腸千結看碧成朱還自笑常  
恐福因才折容易過好春時節說與旁人渾未省待宵

來細訴多情月凝望處碧天濶

踏莎行

春遊

倩影迷離東風料峭清明過後園林好桃花波暖泛輕舟  
烟絲無力縈蘭棹病酒心情傷離懷抱畫屏展翠  
春山曉擬將幽怨託朱絃曲終不信知音少

前調

暮春

九

蝶粉猶酣鶯聲漸老碧雲望斷魚書杳連宵有夢踏莎  
行柔魂絲繞池塘草  
此月林深題鉤石巧墮紅糝徑  
無人掃歸來倦倚茜紗窗博山香燼餘烟裊

金鞠對芙蓉

自題桐陰待月圖

斷鴈縈雲暗蛩喧雨露華涼沁空庭正微醒乍醒笛弄  
凄清輓轆金井桐陰晚剪西風作盡秋聲墜歡何處盟  
寒舊日夢瘦而今  
夜深薄袂冷嬾向綠天影裏敲竹

低吟恰爐温鵲尾燈暈花身素娥不解相思苦照離人  
直恁分明畫闌凭徧無聊心緒說與誰聽

相見歡

隔花清漏沈沈又三更祇恐夜寒指冷罷調笙 庭月  
滿簾慵捲鴈聲聲知否有人欹枕夢難成

江南好

人別後又是探梅時風送歸鴉栖不定阿誰花底掩雙  
扉驚起翠禽啼 深院靜簾捲碎寒犀兔遂數聲吹夢

十

斷屏山一角玉蟾低冷露濕苔衣

壽序

易曰家人有嚴君焉父母之謂也嚴也者正家之要然  
父過於嚴恐違子與氏責善之誠故嚴必繼以慈母道  
本慈寓嚴於慈而後正位乎內家人所以利女貞也金  
陵袁太宜人爲隨園先生袁公孫女前福建南平知縣  
吳伯鎮先生正室嚴以正家以母道兼父道年七十矣  
哲嗣子選大令於今春設悅之辰述其母教屬序於

和

以平日登堂拜母在子姓之列敢以不文辭夫周以

一

著者莫如相夫子成令名以及其賢子孫爲人子者能  
以其母之賢爲母壽則其所以壽者大方伯鎮先生之  
由太學生工舉子業也屢不得志於有司海內巨公儀  
其聲望倒屣投轄爭自禮羅常不家食焉故家政全資  
內助太宜人于歸時年十九賢淑之聲溢於里巷令祖  
蘭園先生謝世家計蕭條其時祖姑江太宜人姑鄭太  
宜人皆在堂太宜人主中饋侍養必豐故能得重闈歡  
外內無間迨重闈棄養事事皆中典禮向平婚嫁次第  
施行至今鄉人稱爲巾幗丈夫洵無愧焉吳氏爲洞庭

山著姓遷徙金陵以大令起家自蘭園先生由拔萃官  
廣東陽江縣伯鍊先生由內廷謄錄官福建南平縣子  
白大令以附監生官直隸盧龍縣子選以名孝廉大挑  
分發山西今官榆次縣季弟子沂以縣丞需次閩疆子  
白令嗣候選鹽場祖孫父子兄弟濟美一門代承清白  
是以太宜人恒正色訓諸子曰余并望爾等祿養也但  
勉爲循良無忝於廉吏子孫於願足矣和與哲嗣子白  
締交京師與子選同官山右知之最深現同膺赤緊論  
者皆稱爲善地謂其物產之美也賦額之多也戶口之

二

庶也置郵之便也然而物產美則徵求衆賦額多則簿  
書積戶口庶則訟獄滋置郵便則奔走折節應給不暇  
兩大令奉政宣化肆應裕如知其稟承母教也有由來  
矣太宜人生長隨園家世工詩尤嗜讀史著有瑤華閣  
詩詞各二卷其中讀史誌疑居多因思江左靈秀間鍾  
於閩閩邦江楊德基以讀李白詩傳傳桐城張令儀以  
蠹窗詩集傳太宜人屏去風雲月露之章而以詩代史  
閒嘗觀古今得失發爲歌詠皆可被之管絃生平性至  
孝子選之迎養於晉也太宜人由閩南北來繞道滬瀆

省視慈親汪太淑人值道梗由乍浦航海而東中流忽  
遇颶風見巨魚勢若吞舟舟幾於覆忽於波濤震驚中  
聞撲鼻檀香颶風乃息得以化險爲平蓋孝之格於神  
明若此居恒最儉約而好施予嘗脫簪珥合藥以濟人  
所存活者甚多其就養山西由平河再遷省官每日除  
禮佛外舍館弄孫和見諸孫頭角崢嶸讀書識字讓棗  
推梨江夏黃童抑何早慧諸婦善伺起居希旨承顏亦  
都能稱太宜人意于選年逾強仕出告反面仍謹幼儀  
皆太宜人之嚴訓致之也今春三月設輓之辰獻壽者

三

實繁有徒有觥有壺有觚或臚或踞溢於庭除子  
婦拜於前諸孫拜於後乘龍承鳳羅拜於旁太宜人其  
欣欣然進一觴乎和於是揚鱗進而祝曰坤厚載物其  
德無疆積善之家必有餘慶太宜人儉以持已敬以事  
上慈以逮下數十年如一日而又持家之正教子之嚴  
三子之各得一官潔己愛民爭自樹立以慰太宜人也  
若此則以今日之康強卜將來之耄耄繩繩翼翼縣縣  
延延將見子伯昆季騰達於朝廷諸孫蟬聯於科第爲  
善不期報乃分之宜而爲善無不報乃理之常天之福

我太宜人正未有艾也和故謹述之以誌鄉里之光榮  
而祝岡陵之景慶云爾

同治三年甲子三月

愚姪汪

和拜序



四

同治三年甲子三月

愚姪汪

和拜序

同治三年甲子三月

同治三年甲子三月

壽序

蓋聞天開壽宇龍壇呈元甲之圖人是福星鸞諾拜重  
申之命是以西池瑤竚介景運者世際中興南極珠躔  
應壽昌者輝聯上界恒春樹下和風鳴穆滿之謠長樂  
花前夜月奏霓裳之曲何必廖家古井始獲丹砂詎須  
酈縣清泉纔多紫菊則有野分斗次光連婺女之津家  
在江南春暖麻姑之酒十洲賦就祥光偏照於東瀛五  
嶽圖開瑞靄先呈於南戒葛仙井畔世享大年陶氏名  
旁人多上壽芝採三莖之秀玉女傳觴莫舒七葉之祥

五

金妃設悅恭維我吳年伯母袁太宜人乃隨習先生之  
孫而蘭村明府之女也稽其譜系望出陳留詳厥里居  
家原浙水樹甘棠於北固曾扇仁風遷喬木於東山相  
傳卧雪門有通德競誇白頭尚書坊號光延不減烏衣  
世胄太宜人幼而習禮長更敦詩族壓譚邢名齊顧陸  
幽蘭紉佩羣奉女宗香茗裁篇素嫺姆教世有龍門之  
望欣快壻之乘龍里居虎踞之雄擬才郎於繡虎爰夫  
待字以及初笄風詩詠之子于歸易象演家人之吉一  
燈佐讀成夫子之令名百兩宜家慰尊嫜之夙願無何

外庭則舉魚抱戚萬里奔馳高堂則孝鯉承歡重慈無  
恙環瑱宵撤學嬰兒之事親櫛散晨燭作季蘭之尸祭  
况阿翁騎箕之歲正冢婦鬢暮之年職正勉乎相夫勤  
更聞於鬻子錦挑對襟壁擬連城旣雙萼之交輝復三  
枝之競秀趨庭是鳳竟同薛氏之三會食皆龍不羨荀  
家之八卮區鱗鰈手自屏當鍼管絲麻親爲操作方冀  
重闡愛日永照堂前詎堪兩代慈雲同歸天上丈夫有  
四方之志射策京華傳家無半畝之田傲廬風雨相如  
橐筆久別鄉閭杜甫工詩尙居幕府遺其雜佩荷此門

六

楣母以兼師侍而且怙處世值亨屯之會知廢知興置  
身在剝復之交不奢不儉雖濶裙笄之列思在古人縱  
居統綺之儔身通大義料其才識鬚眉每嘆不如測彼  
神機巾幗傳爲僅見想其數傳積德詎願人知累世行  
仁祇承家訓蛇能蟠笥偏呈集慶之符雀擬脚環游食  
發祥之報吳公內助鄰里傳爲美談袁粲外孫風韻都  
能相似賣犬營嫁甫牽嬌女之烏牟鳴鳳是占旋奠諸  
兒之錦雁僧彌爲弟早薦賢書太傅諸郎羣稱國器弟  
兄叔姪一家皆吐鳳之英父子祖孫三代著飛鳧之績

宦轍先從於閩嶠象服隨夫養堂旋築於晉陽雞豚奉  
母魚軒阮氏佳兒遠過於許奇翟弗大家哲嗣更賢於  
曹穀邠夫人年將耄耄神明不衰崔太常親奉朱輪觀  
瞻足壯勉官方以清正毋忘酌水之風聞堦下之平反  
輒有加餐之樂公堂祿養偏捐五鼎之牲冠帔榮身猶  
服七升之布褰綸周疊逾於架上之書榮誥駢闐積若  
牀頭之笏聲傾都會咸欽秉禮之母儀名動公卿羣羨  
知書之懿範至於多材多藝宜雅宜風夙嗜丹鉛尤耽  
邱索書簽翡翠翫銀鴨之宵移硯匣琉璃聽銅蠡之  
晝滴成都粉紙雙丸豆蔻之香河北花箋百軸芙蓉之  
錦共羨茂漪書格早擅簪花相誇道韞詩名不徒詠絮  
續班昭之別史無心留以示人歟令嫺之雜文何意出  
而問世恒噲閨閣價懸呂覽之書不豔釵裙名掛蕭樓  
之選此又掃眉才子未足儷其風華不櫛書生詎能齊  
其焜耀而乃望鄉關而惆悵閱歷滄桑感親戚之流離  
心傷風絮四方蕩析未消青犢之氛盡室團欒幸免紅  
羊之劫於是飯心乾竺託命金仙爲持鹿女之經更禮  
龍華之懺迴環往事繡佛青鸞感慨前塵飯僧白雀雍

州無量之寺定現雙花石頭彌勒之碑庭來四鶴猶憶  
檣乘貫月如過弱水之洋曾聞香滿旃檀疑是慈航之  
渡此皆積德之報抑亦呵護之靈而太宜人安不忘危  
貴而彌下噓其善氣衍作吉祥種厥仁風蒸爲穀穀術  
精濟世栽董奉之杏林書讀養生辨韓康之藥性入室  
則柝鈴周而疑過石慶之門居家而婢僕精勤咸守王  
褒之約含飴以弄陸子春車上壁人繞膝而嬉謝益壽  
風前玉樹阮咸是姪居列竹林王筠爲甥成此宅相其  
人如玉壻皆坦腹之英洗手作羹兒有齊眉之婦一門

八

羣從官箴悉稟夫阮姑阿大中郎家訓俱遵於邱嫂經  
傳絳帳共承講論於宣文貴識綠衣咸賴品評於潘母  
慈能逮下待澤者期功疆近之親惠以及人頌義者篤  
翟輝庖之輩遂以三遷之母訓用成一代之禮宗洵哉  
盛世之麻徵允矣德門之庇蔭也已

泰等與令嗣輩苦

岑結契桂苑齊名久聞孟母之風愧乏江郎之筆鋪  
揚疇昔資皇娥拊瑟之權詮次生平博天姥投壺之笑  
福者備也爲大順之統名壽者酬也乃至德之協應堂  
開四世三春報寸草之心壽享百齡七秩爲古稀之慶

廿四番花開金谷爭誇富貴之春三千年桃熟瑤池知  
是神仙之樹茲以季春之月欣逢誕降之辰稱觴盡蓬  
島之賓獻賦當岡陵之祝試聽倉庚鳴處柘館風清恰  
逢上巳旬中蘭亭日麗將見賈家彪怒掄畫錦以希韞  
王氏龍超戲斑衣而鞠脰橘中十叟並奏雲笈竹裏雙  
妃齊翻寶瑟此日鶴籌益算七旬逢絳縣之期他年鳩  
杖長春千紀上丹邱之頌謹序

嫻愚姪汪寶泰頓首

